

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-**

Broj: 07-4909/15

Datum, 15. 12. 2015. godine

Na osnovu člana 89. stav (1) i 70. stav. (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 2/15) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), Općinski načelnik, d o n o s i:

**O D L U K U
O IZBORU NAJPOVOLJNIJEG PONUĐAČA**

I

Najpovoljnija prihvatljiva ponuda za **LOT 1 - Osiguranje imovine**, je ponuda dostavljena od ponuđača **DD TRIGLAV OSIGURANJE PODRUŽNICA TUZLA**, u ukupnom iznosu od **2.380,20 KM**

II

Izabrani ponuđač je dužan u roku od **5 dana** od dana prijema ove odluke, dostaviti dokaze po članu 45. stav (2) Zakona o javnim nabavkama.

O B R A Z L O Ź E N J E

Na osnovu Konkurentskog zahtjeva broj: 07-4909/15 od 26. 11. 2015. godine, objavljenom na Portalu javnih nabavki, obavještenje o nabavci br. 761-7-2-98-3-50/15 od 26. 11. 2015. godine, proveden je postupak prikupljanja ponuda za *ugovaranje osiguranja imovine, uposlenika i osiguranje općinskih i vatrogasnih vozila za 2016. godinu.*

Ponude po Konkurentskom zahtjevu za **LOT 1 – osiguranje imovine** su dostavili sljedeći ponuđači:

- 1. DD VGT VISOKO** u ukupnom iznosu od **4.565,30 KM**
- 2. BOSNA-SUNCE OSIGURANJE, PODRUŽNICA TUZLA** u iznosu od **5.306,60 KM**
- 3. ASA OSIGURANJE SARAJEVO**, u ukupnom iznosu od **2.994,48 KM**
- 4. SARAJEVO OSIGURANJE DD PODRUŽNICA TUZLA**, u iznosu od **7.865,50 KM**, i sa ponuđenim popustom za LOT 1 u iznosu od **1.573,00 KM**
- 5. UNIQA OSIGURANJE DD SARAJEVO** u ukupnom iznosu od **6.858,64 KM**
- 6. DD TRIGLAV OSIGURANJE PODRUŽNICA TUZLA** u ukupnom iznosu od **2.380,20 KM.**

U prvom dijelu rada Komisije, konstatovano je da je, blagovremeno, pristiglo šest pravilno zatvorenih ponuda. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača **DD VGT VISOKO, BOSNA-SUNCE OSIGURANJE, PODRUŽNICA TUZLA, ASA OSIGURANJE SARAJEVO, SARAJEVO OSIGURANJE DD PODRUŽNICA TUZLA, UNIQA OSIGURANJE DD SARAJEVO, DD TRIGLAV OSIGURANJE PODRUŽNICA TUZLA** Komisija je konstatovala da su iste potpune tj, da su dostavljeni svi dokazi za kvalifikaciju i isti zadovoljavaju zahtijevane uslove, i prihvatljive su za daljnje razmatranje.

Detaljno su razmatrani finansijski dijelovi ponuda za LOT 1 te je komisija konstatovala da su isti prihvatljivi za ugovorni organ.

Kako je cijena ponude ponuđača **DD TRIGLAV OSIGURANJE PODRUŽNICA TUZLA** za **LOT 1 osiguranje imovine** za više od 50% niža od prosječne cijene preostalih prihvatljivih ponuda, Ugovorni organ je u aktu broj: 07-4909/15 od 10.12.2015. godine, tražio od ponuđača obrazloženje ponuđene cijene.

Ponuđač je u aktu broj: 03-17812/15 od 11.12.2015. godine, dostavio obrazloženje ponuđene cijene sa kalkulacijom/obračunom, a što je i prihvaćeno. Naime, ponuđač navodi da je ponuda za osiguranje imovine sačinjena u skladu sa Premijskim sistemom za osiguranje imovine. Također, ponuđač dalje navodi da se vodio stanjem objekta i opreme koja se osigurava (suvremeni novi objekat i dijelom nova računarska oprema pod garancijom, dobro održavanje, briga), te primjenjenim mjerama protupožarne zaštite, čuvarska služba i kontrola.

Komisija, nakon što je izvršila vrednovanje ponuda po zadatom kriteriju, predlaže Ugovornom organu da zaključi ugovor, a koji se odnosi na javnu nabavku **LOT 1 - Osiguranje imovine** sa ponuđačem **DD TRIGLAV OSIGURANJE PODRUŽNICA TUZLA** u ukupnom iznosu od **2.380,20 KM**, a što je i prihvaćeno.

POUKA O PRAVNOM LIJEKU:


Protiv ove odluke može se izjaviti žalba u roku od 5 (pet) dana od dana prijema odluke o izboru najpovoljnijeg ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 6x,
2. Evidenciji,
3. Arhivi.



OPĆINSKI NAČELNIK

Dr. sci. Nihad Omerović